

'Argala komandoaren'
epaiketa

«Estatuaren segurtasuna» argudiatu du Espainiak Paroten trasladoa ukatzeko

«Erabakiak argi uzten du Justiziarekiko mespretxua», diote defentsako abokatuek

Nahiz eta Unai Paroten lekukotasuna baitezpadakotzat jo zuen 'Argala komandoa' deituriko kideen defentsak, Espainiako Justizia Ministerioak uko egin dio euskal presoak Pariseran eramateko eskaerari. «Estatuaren segurtasuna arriskuan litzateke», erantzun du.

Lutxi Fourcade / Baiona

UNAI PAROT euskal presoak ez du bere lekukotasuna ekarriko Argala komandoaren auzian Parisko Asisetako Gorte Berezian. Hala erabaki du Espainiako Justizia Ministerioak «Estatuaren segurtasuna zaintzeko beharra» aldarrikatuz. Nahiz eta defentsak baitezpadakotzat jo zuen lekuko nagusiaren etortzea, Espainiak ukatu du Parot prestatzea Frantziako Justiziari «presondegi kondera luzea bete behar baitu Espainian». Antzeko erabakia hartu du Espainiako Justiziak Luis Roldan Guardia Zibilaren buru ohiarentzat, azpimarratuz inkulpatu zela beste dossier batean Espainian. «Laster auzipe-ratuko da Espainia» eta herritik ez da atera behar auzia iragan arte», azaldu du Ministerioak.

Altabada, bi lekukoen presentzia ezinbestekotzat jo zuen komandoko kideen defentsak. «Erabaki horrek argi erakusten du Espainiaren mespretxua Justiziarentzat», azaldu zuen Jan



Sure, auzipetuetako baten abokatuak, Asisetako Gortera sartzen.

BOB EDME

Battit Etxeverri abokatuak. Benetako arrazoiak ez zituela azpimarratu Ministerioak gehitu zuen, «ez baitute inolako asmorik oraindik Espainian torturatzeko delat entzuteko». Unai Paroten etortzea Espainiako interesen aurka zihoala berretsi zuen, «baina Espainiak beharko du egun batez ETarekin negoziatu Blair ministroak negoziatzen duen bezala IRarekin».

Funtsik gabeko arrazoiak eman zituela Justiziak berretsi zuen Blanco abokatuak, erabaki onartezina zela azpimarratuz. Bi

aukera baizik ez zituela epaileak azpimarratu zuen Blancok. «Burua apaltzen duzu eta Estatuaren arrazoiak onartzen duzu edo inposatzen duzu Espainiari lekuko nagusiak ekartzea auzia egin baino lehen». Denek bazekitela zer aipatuko zuen Parotek gehitu zuen abokatuak, «bost egunez jasandako torturak salatuko baititu».

Justiziaren legitimitatea zailtzat jarri zuen Blancok, instrukzio epaileak ez baitu sekulan dosierra zehazki ikertu bere ustez. «Hasieratik, Espainiak

bidalitako dokumentuen itzulpena egin du epaileak, inolako inkesta sakonik egin gabe. Bestalde, ez da inolako lekuko zuzenik agertuko auzian, Justiziaren sosegutasuna oztopatuz», salatu zuen. «Onartezina da inkulpatuak kondenatzea lekuko nagusia entzun gabe, dosierra Paroten adierazpenetan oinarritzen baita». Zuzengabetasun onartezinari buru egiteko, abokatuak eskatu zion epaileari auzia bertan behera uztea, funtsezko lekukoak ekarri arte. Jacob lehendakariak ez zion erantzunik eman abokatuari «informazio eskasez» eta auzia jarraitzeko erabakia hartu zuen. X

«Giza eskubideek mugarik ez dutelako» ari dira gose greban Komite Internazionalistak

■ Bi auto-karabanatan daude presoen eskubideen aldeko baraualdian

Erredakzioa / Donostia

KOMITE INTERNAZIONALISTEK hartu zuten larunbatean mendizaleen lekukoa, eta euskal presoen Euskal Herriratzaren alde egiten ari den 76. txanda osatzen dute. Komiteetako kideak bi auto-karabanatan ari dira aste honetako baraualdia egiten, eta Hego Euskal Herriko lau hiriburuetatik igaroko dira. Bilbon hasi ziren, eta Gasteiztik igaro ostean, atzo Donostian izan ziren. Hain zuzen, Donostiako Martuteneko espetxearen aurrean eskaini prentsaurrekoan azaldu zituzten gose greba egitera bultzatu dituzten arrazoiak.

Komite Internazionalistetako kideek gose greba honekin presoen Euskal Herriratzeari eta haien eskubideak errespetatuak izan daitezela eskatzen dute, eta gose grebarekin hori lortzeko «ahalegintxoak gehitu» nahi dutela esan dute. Komiteetako kideen ustez, «kartzela krudela da berez, eta horri beste zigorra erantsiz gero, are gogorragoa, eta senideentzat ere zigor bilakatzen da». Gose grebalarien aburuz, «giza eskubideek ez dute mugarik, eta, beraz, ezin dira ahaztu hemen gertatzen diren giza eskubideen bortxaketak, elkartasuna ezin da soilik kanpoari begira egin». Komite Internazionalistetako kideen ustez, «herrialde pobreen egoera hobetzeko ezer gutxi egin daiteke hemen giza eskubideak bortxatzen badira».

Gose grebalariek Iruñearako bidea hartuko dute gaur, eta bertan amaituko dute astebeteko protestaldia. X

Laguntza medikoa ukatu diete bi presori

■ Agustin Almaraz eta Aitor Fresnedo etengabe aldatu dituzte espetxez

Erredakzioa / Donostia

SENIDEAK elkarteak salatu duenez, Agustin Almaraz eta Aitor Fresnedo presoek laguntza medikoa ukatu diete espetxe funtzionarioek. Medikuekin kontsulta zuten bitartean funtzionario bat bertan izan behar zela esan zieten, baina presoek uko egin zioten baldintza horietan medikuarekin izateari.

«Bi kasu horietan kartzeleroak presoek txantajea egiten saiatu dira, mehatxu egin. Intimitaterako eskubidea eta laguntza medikoa ukatu diete», azaldu zuten atzo Senideek ohar batean.

Almaraz presoak bihotzeko arritmia izan zuen joan den urrian, gose greban zen bitartean, eta anti-inflamatorioak hartzen ari da. Fresnedok fibroma bat du behatzean.

Aipatzekoa da, gainera, bi preso horiek etengabe aldatu dituztela espetxez diligentzietan parte hartu behar zutela eta. Agustin Almaraz 16 aldiz aldatu dute joan den urtearen hasieratik hona. Iraila eta urria artean, gose greban zen bitartean, zazpi aldiz aldatu zuten, eta horrek eragin zion arritmia. Aitor Fresnedo 9 aldiz aldatu dute joan den abuztutik hona. Senideen ustez, «zigor gehitua ezartzen diete bi preso horiei, hilabete gutxitan eta be-

harrik gabe hainbeste traslado egin. Diligentziak direla eta Valdemoron egon behar bazuten, zergatik ez zituzten beharrezkoa zen bitartean han izan, etengabe espetxez aldatu ordez? Hori ez al da zigor gehitua?».

Bestalde, Iñaki Egiluz presoari zegokion telefono deia ukatu zioten espetxez aldatu zutenean, eta trasladoan zeraman boltsa hantza gora jarri eta hilda zaude eta putasemea zioten papertxoak sartu zituztela. X

ELKARTASUN BRIGADAK

• CUBA • MEXICO
• NICARAGUA • GUATEMALA

KOMITE
INTERNAZIONALISTAK

Tel.: BILBO: 94/4790703
PASAIA: 943/340404
GASTEIZ: 945/281193
IRUÑA: 948/211173



BERMEOKO UDALA

ERROLDAREN ONARPENARI
BURUZKO IRAGARKIA

1997ko maiatzaren 26. eguneko Dekretuen bidez, Bermeoko Udaleko Alkate-udalburak onartu dau:

LEHENENGOA

1997ko maiatzako ekitaldiari jagokan 13 eta 14. zenbakidun karguaz, **MUSIKA ESKOLA** eta **UDAL AZOKA**ri buruzko erroldak onartzea, **Musika Eskolako**: 1.115.634 pezetaz eta **Udal Azokako**: 531.106 pezetaz, Kobrantzako borondatezko Epealdia honako hau da:

Hasiera: 1997ko ekainak 14.
Amaiera: 1997ko abuztuak 14.

BIGARRENA:

Kobrantza epaldia hasi baino hamabost egun lehenago hasiko da erroldak jendaurrean jartzeko hilabeteko epealdia. Udaletxean egongo da errolda horiek aztergai esandako epe horren barruan.

Erroldaren onarpena eta horren ondorioz egingo diren kitapenen aurka, Birjarpeneko Errekurtsoa jarri daiteke alkate-udalburaren aurrean, errolda honek jendaurrean jartzeko epea amaitzen dan egunetik hasitako hilabetearen barruan.

KARGU ZENBAKIA: 13
ERREZIBO KOPURUA GUZTIRA: 135
KONTZERTUA: MUSIKA ESKOLA.
EKITALDIA: 1997ko MAIATZA.
DIRUKOPURUA: 1.115.634
LEHENENGO ZERGADUNAREN IZENA: ABAROA GARCIA, IRATI.
AZKEN ZERGADUNAREN IZENA: ZULUETA VALTIERRA, AMAIA.
KARGU ZENBAKIA: 14
ERREZIBO KOPURUA GUZTIRA: 38
KONTZERTUA: UDAL AZOKA
EKITALDIA: 1997ko MAIATZA
DIRUKOPURUA: 531.106
LEHENENGO ZERGADUNAREN IZENA: ABAROA ASTORIKA, AINHOA.
AZKEN ZERGADUNAREN IZENA: ZUBIZARRETA ARBE, Mª PILAR.

Bermeo, 1997ko maiatzak 26. ALKATEA.